

# SEJARAH F5 (8.1) Pembentukan Dasar Ekonomi Baru (DEB)

## PENGENALAN

1. DEB dilaksanakan dalam tempoh 20 tahun bermula tahun 1970 hingga tahun 1990.
2. DEB sebagai rancangan pembangunan ekonomi dan perpaduan negara.
3. DEB dilancarkan melalui Rangka Rancangan Jangka Panjang Pertama (RRJP1) yang merangkumi 4 Rancangan Pembangunan 5 Tahun Malaysia.
4. DEB bertujuan memulihkan ketidakseimbangan sosioekonomi yang wujud antara kaum, antara wilayah dan antara kawasan dalam wilayah yang sama.

(R)

### 8.1.1 LATAR BELAKANG PEMBENTUKAN DEB

1. Majlis Perundingan Negara (MAPEN) ditubuhkan pada bulan Januari 1970.
2. MAPEN dianggotai oleh pelbagai lapisan masyarakat.
3. MAPEN ditubuhkan untuk mengadakan garis panduan bagi kerjasama antara kaum dan integrasi nasional untuk memupuk identiti kebangsaan dalam kalangan rakyat.
4. Hasilnya, terbentuk datu dasar ekonomi negara yang dikenali sebagai DEB.
5. Pakar-pakar ekonomi dari dalam dan luar negara diamanahkan untuk merancang dan merangka DEB:
  - a) Dr. Rais Saniman (Malaysia)
  - b) Dr. Just Faaland (Norway)
  - c) Dr. Jack R. Parkinson (Britain)

### 8.1.2 MATLAMAT DEB

1. Matlamat:
  - Mencapai perpaduan dan kesejahteraan kaum dengan menggunakan strategi bersifat serampang dua mata.
2. Strategi:
  - (a) Membasmi kemiskinan
    - Menambahkan pendapatan dan memperbanyak peluang pekerjaan kepada rakyat tanpa mengira kaum.
  - (b) Menyusun semula masyarakat
    - Mengurangkan dan menghapuskan pengenalan kaum mengikut fungsi ekonomi.
3. Isu yang berkaitan dengan rancangan membasmi kemiskinan dan penyusunan semula masyarakat semasa DEB dilancarkan:
  - (a) Jurang sosioekonomi antara bumiputera dengan bukan bumiputera
  - (b) Jurang sosioekonomi antara pantai timur dengan pantai barat
  - (c) Jurang sosioekonomi antara masyarakat desa dengan bandar
  - (d) Jurang sosioekonomi antara negeri

# SEJARAH F5 (8.2) Pelaksanaan Dasar Ekonomi Baru (DEB)

## PENGENALAN

### 1. Tujuan pelaksanaan DEB:

- Melahirkan masyarakat yang bersatu padu melalui agihan ekonomi yang seimbang.

### 2. Langkah DEB dilaksanakan berkaitan dengan usaha membasmi kemiskinan dan menyusun semula masyarakat.

- (a) Meningkatkan taraf hidup rakyat
- (b) Memperkenalkan Rancangan Buku Hijau
- (c) Memperkasakan peranan agensi kerajaan
- (d) Pembangunan oleh FELDA
- (e) Pembangunan wilayah
- (f) Pemilikan modal saham
- (g) Pengenalan Industri Kecil dan Sederhana (IKS)
- (h) Pendidikan untuk tenaga kerja mahir



### Langkah pertama: meningkatkan taraf hidup rakyat

1. Rancangan meningkatkan taraf hidup penduduk di luar bandar (tertumpu kepada penduduk miskin yang terdiri daripada petani, pekebun getah dan kelapa, nelayan, buruh dan penduduk kampung baharu)

- (a) Menerusi kegiatan Gerakan Koperasi yang sedia ada.
- (b) Program yang dilaksanakan termasuklah penerokaan tanah baharu, bantuan peralatan pertanian, khidmat nasihat, subsidi benih dan baja, kemudahan kredit, pemasaran dan pusat kemajuan peladang.

2. Rancangan meningkatkan taraf hidup penduduk di bandar. (penduduk yang menghadapi kemiskinan disebabkan pendapatan yang rendah dan masalah perumahan)

- (a) Memajukan pelbagai jenis perindustrian dan perniagaan yang membuka peluang pekerjaan lebih banyak dan meningkatkan pendapatan golongan miskin pelbagai kaum.
- (b) Kemudahan asas yang dilaksanakan termasuklah pendidikan, bekalan air dan elektrik, jalan raya, bantuan biasiswa dan buku teks percuma, makanan tambahan kepada kanak-kanak dan program rumah murah.

### Langkah Kedua: Rancangan Buku Hijau

1. Dilancarkan oleh Tun Abdul Razak Hussein pada 20 Disember 1974.
2. Bermatlamat untuk menambahkan pendapatan rakyat dan pengeluaran bahan makanan supaya cukup untuk keperluan negara.
3. Tertumpu kepada penggunaan tanah yang sepenuhnya.
4. Tanah diusahakan dengan tanaman jangka pendek, perkebunan berkelompok, penternakan, pemasaran yang baik dan projek kecil yang lain.

**1. Tujuan agensi kerajaan ditubuhkan:**

(a) Mempelbagaikan kegiatan ekonomi

- Menambahkan pendapatan rakyat dan membuka peluang pekerjaan yang lebih banyak untuk semua kaum.

(b) Memberi bantuan

- Dari segi peralatan, biji benih, kemudahan pinjaman dan khidmat nasihat.

**2. Contoh agensi kerajaan:**

(a) Lembaga Kemajuan Ikan Malaysia (LKIM, 1971)

- Meningkatkan taraf hidup nelayan, memodenkan industri perikanan.

(b) Lembaga Beras dan Padi Negara (LPN, 1971)\*Beras Nasional (BERNAS, 1994)

- Mengawal selia sektor padi dan beras, menstabilkan harga padi

(c) Lembaga Pertubuhan Peladang (LPP, 1973)

- Membantu pekebun kecil, petani dan peladang yang terlibat dalam kegiatan koperasi.

(d) Pihak Berkuasa Kemajuan Pekebun Kecil Perusahaan Getah (RISDA, 1973)

- Membantu dalam penyelidikan dan penanaman semula getah.

#### Langkah Keempat: FELDA dan Pembangunan Tanah

1. Pembukaan tanah baharu untuk pertanian dilakukan secara teratur di bawah FELDA.
2. Penduduk luar bandar yang miskin dipindahkan ke kawasan FELDA yang baru dibangunkan.
3. **Perkembangan pembangunan tanah baharu**
  - (a) Penduduk diberi tanah seluas 10 ekar untuk diusahakan dengan tanaman kelapa sawit, getah dan rumah kediaman.
  - (b) Terdapat kemudahan lain (klinik, sekolah, pengangutan, koperasi FELDA) yang dapat mengubah taraf hidup mereka. 
  - (c) FELDA menjalankan kerjasama dengan kerajaan negeri bagi meneroka pembukaan tanah baharu untuk pertanian.
  - (d) Kerjasama FELDA dengan Yayasan Sabah telah membawa kepada pembukaan FELDA Wilayah Sahabat (Lahad Datu) dan FELDA Umas (Tawau).
  - (e) Kerjasama FELDA dengan SALCRA (Sarawak Land Consolidation and Rehabilitation Authority) untuk membuka ladang kelapa sawit.
4. Skim peneroka FELDA juga memberi peluang kepada kaum Cina dan India untuk menjadi peneroka.
  - FELDA yang menerima peneroka pelbagai kaum : FELDA Lurah Bilut (Pahang), FELDA Keratong (Pahang), FELDA Sendayan (Negeri Sembilan).

## Langkah Kelima: Pembangunan Wilayah

### 1. Tujuan program pembangunan wilayah dijalankan:

- Membuka tanah untuk industri getah dan kelapa sawit.

### 2. Contoh program pembangunan wilayah:

- (a) Lembaga Kemajuan Johor Tenggara (KEJORA)
- (b) Lembaga Kemajuan Terengganu Tengah (KETENGAH)
- (c) Lembaga Kemajuan Pahang Tenggara (DARA)
- (d) Lembaga Kemajuan Kelantan Selatan (KESEDAR)
- (e) Urban Development Authority, Perbandaran Pembangunan Bandar (UDA)

#### \*UDA

- (a) Ditubuhkan pada tahun 1971
- (b) Memajukan sektor pembangunan industri dan pembangunan bandar baharu.
- (c) Kawasan bandar baharu dan kawasan perindustrian yang dibangunkan:
  - Bandar Tun Hussein Onn (Cheras)
  - Bandar Baru Uda (Skudai)



## Langkah Keenam: Pemilikan Modal Saham

1. **Kaum bumiputera** ketinggalan dalam pemilikan saham syarikat perdagangan telah mewujudkan perbezaan dari segi taraf hidup dan jumlah pendapatan antara kaum bumiputera dengan bukan bumiputera.
2. Melalui penubuhan **Permodalan Nasional Berhad (PNB)**, pemilikan modal saham bumiputera ditambah dalam sektor korporat dengan mewujudkan **Masyarakat Perdagangan dan Perindustrian Bumiputera (MPPB)**.
3. **Amanah Saham Nasional (ASN)** dan **Amanah Saham Bumiputera (ASB)** dilancarkan untuk memudahkan kaum bumiputera memiliki saham dalam syarikat terhad.
4. **Kaum bukan bumiputera** diberikan peluang dalam pemilikan modal saham dengan pengenalan Amanah Saham Malaysia.

## Langkah Ketujuh: pengenalan Industri Kecil dan Sederhana (IKS)

1. IKS bermaksud industri pembuatan barang menggunakan modal yang kecil dan tenaga kerja yang tidak ramai.
2. Rakyat diberi peluang mengusahakan industri desa serta IKS.
3. Usaha-usaha memperbaik taraf hidup rakyat serta menambah daya pengeluaran dan pendapatan:
  - (a) Industri yang meliputi kraf tangan, makanan, pakaian dan inap desa.
  - (b) Contoh IKS yang berjaya:
    - (i) Best Farm Co
    - (ii) Nurul Food Industry Enterprise
    - (iii) Ramly Food Processing Sendirian Berhad
    - (iv) Faiza Marketing Sendirian Berhad.
4. Agensi-agensi yang memberi pinjaman, insentif dan nasihat:
  - (i) Bank Bumiputra (1965)
  - (ii) Perbadanan Nasional Berhad (1969)
  - (iii) Bank Pertanian Malaysia (1969, kini dikenali sebagai Agrobank)
  - (iv) Skim Pinjaman Khas Pertanian (1970)
  - (v) Amanah Ikhtiar Malaysia (1987)
5. Hasil:
  - Muncul ramai usahawan muda yang dapat menyumbang kepada pembangunan masyarakat dan negara.

## Langkah Kelapan: Pendidikan Tenaga Kerja Mahir

1. Langkah kerajaan melahirkan tenaga kerja mahir yang mampu menampung keperluan dalam bidang pertanian dan perindustrian:
  - (a) Memberikan asas latihan kemahiran sejak di bangku sekolah melalui mata pelajaran Kemahiran hidup.
  - (b) Membahagikan pendidikan menengah atas kepada 2 jurusan iaitu akademik dan vokasional.
  - (c) Menubuhkan sekolah teknik dan vokasional, Maktab Perguruan Teknik, politeknik, Universiti Teknologi Malaysia, Universiti (Institusi) Teknologi MARA.
  - (d) Menawarkan kursus kemahiran dalam pelbagai bidang untuk menampung permintaan terhadap tenaga kerja mahir.
2. Kesan:
  - Pekerja mahir dapat meningkatkan taraf hidup dan pendapatan melalui kemahiran yang dimiliki.

# SEJARAH F5 (8.3) Pembentukan Dasar Pembangunan Nasional (DPN)

## Pengenalan

8.3.1

1. RRJP1 dan DEB berakhir pada tahun 1990.  
\*RRJP1 = Rangka Rancangan Jangka Panjang Pertama  
\*DEB = Dasar Ekonomi Baharu

2. Ekonomi Malaysia berkembang pesat dalam tempoh pelaksanaan DEB (1970-1990).
3. Kejayaan menyeluruh yang telah dicapai memerlukan masa yang lebih lama untuk menampakkan hasil yang berkesan.
4. Usaha yang dilaksanakan melalui DEB diteruskan oleh DPN.



## Latar Belakang Pembentukan DPN

8.3.2

1. DPN dilancarkan oleh Tun Dr. Mahathir Mohamad, Perdana Menteri Ke-4 pada 17 Jun 1991.
2. DPN merupakan kesinambungan DEB yang dirangka untuk tempoh 10 tahun (1991-2000) melalui RRJP2.
3. DPN merupakan usaha untuk menjadikan Malaysia sebuah negara maju berdasarkan Wawasan 2020.
4. **Rancangan Pembangunan Ekonomi 5 tahun** di bawah DPN:  
(a) Rancangan Malaysia Ke-6 (1991-1995)  
(b) Rancangan Malaysia Ke-7 (1996-2000)

## Objektif DPN

8.3.3

1. DPN Mewujudkan masyarakat yang bersatu padu dengan cara:
  - (a) memperkuatkan kestabilan sosial dan politik
  - (b) mengekalkan pembangunan ekonomi yang berterusan.
2. DPN menetapkan langkah Malaysia mencapai taraf negara yang maju dalam semua aspek  
Contoh: keadilan sosial, nilai, etika dan moral, kestabilan politik, kualiti hidup, kecekapan pentadbiran kerajaan, kecemerlangan ekonomi.

Strategi DPN digunakan untuk meneruskan usaha membasmikan kemiskinan dan menyusun semula masyarakat.

**\*EKONOMI\***


- Pelibatan aktif pihak swasta dalam pembangunan ekonomi negara.
- Pelaksanaan program penanaman semula.
- Penggunaan sains dan teknologi.
- Meningkatkan pemilikan saham bumiputera.

**\*SOSIAL\***

- Memberi insentif dan kemudahan pendidikan untuk kemajuan masyarakat miskin tanpa mengira kaum.
- Mewujudkan masyarakat perdagangan dan perindustrian bumiputera.
- Membentuk masyarakat yang berdisiplin dan progresif.

**\*KEMUDAHAN FIZIKAL DAN ALAM SEKITAR\***

- Menyediakan dan menambah baik kemudahan asas.
- Pembangunan mapan tanpa mengabaikan alam sekitar.



# SEJARAH F5 (8.4) Pelaksanaan Dasar Pembangunan Nasional (DPN)

## Pembasmian Kemiskinan

### 8.4.1

Kerajaan menghapuskan kemiskinan pelbagai kaum terutamanya golongan bumiputera dengan cara:

- (a) Meneruskan pemberian subsidi dan sokongan kepada golongan penanaman padi dan nelayan serta tertumpu pada peningkatan produktiviti pengeluaran.
- (b) Memberi latihan kepada golongan Belia di agensi kerajaan seperti Pusat Latihan Kemahiran Giatmara dan ILP (Institusi Latihan Perindustrian) bagi membolehkan mereka mendapatkan kerja yang berkaitan dengan kemahiran dan berpendapatan tinggi.



## Penyusunan semula masyarakat

### 8.4.2

- Pembentukan MPPB (Masyarakat Perdagangan dan Perindustrian Bumiputera) yang bertepatan dengan Perlembagaan Persekutuan (Perkara 153) untuk menyusun semula masyarakat.
- Langkah menyusun semula masyarakat:
  - (a) Meningkatkan tenaga kerja dan penyertaan bumiputera dalam pengurusan sektor moden seperti pembuatan dan perkhidmatan.
  - (b) Agensi kerajaan memberikan latihan dalam bidang pengurusan harta dan etika perniagaan.
  - (c) Melaksanakan pemberian kontrak, kuota dan lessen kepada perniagaan milik bumiputera dan syarikat usaha sama dengan bukan bukan bumiputera.
  - (d) Memberikan perhatian khusus kepada penyertaan bumiutera dalam IKS.
  - (e) Menggalakkan usaha sama aktif antara bumiputera dengan bukan bumiputera untuk membolehkan syarikat bumiputera meningkatkan prospek perniagaan.
  - (f) Mendedahkan bumiputera dengan teknologi terbaru, kemudahan modal, maklumat pasaran dan hubungan perniagaan dalam pasaran antarabangsa untuk membolehkan bumiputera bersaing dalam perniagaan moden.
- Matlamat penyusunan semula masyarakat akan memastikan corak tenaga kerja di pelbagai sektor dan pekerjaan dalam ekonomi bagi mencerminkan komposisi pelbagai kaum dalam negara.

1. DPN meneruskan penyusunan semula modal saham dal sektor korporat.
2. Langkah tersebut dibuat supaya bahagian saham kaum bumiputera dapat dipertingkatkan selaras dengan matlamat asal DEB bagi mencapai sekurang-kurangnya 30% dalam pemilikan, penguasaan dan pengurusan sektor moden.
3. Tindakan akan diambil melalui program penswastaan bagi memperuntukkan sejumlah saham untuk projek yang diswastakan kepada bumiputera.
4. Contoh penswastaan syarikat perniagaan milik agensi amanah yang dikhaskan untuk bumiputera:
  - (a) MARA (Majlis Amanah Rakyat)
  - (b) PERNAS (Perbadanan Nasional Berhad)
  - (c) PKEN (Perbadanan Kemajuan Ekonomi Negeri)
5. Pada masa yang sama, kaum bukan bumiputera diberi peluang untuk menyertai projek penswastaan.

\*SAHAM = pegangan hak milik syarikat dalam bentuk ekuiti.

#### Pembangunan wilayah

#### 8.4.4

1. Kerajaan meneruskan rancangan pembangunan wilayah untuk meningkatkan integrasi ekonomi yang saling melengkapi antara negeri.
  2. Usaha memperbaik ketidakseimbangan pembangunan wilayah memudahkan pencapaian kesamarataan pendapatan antara kaum.
  3. Usaha-usaha membangunkan wilayah:
    - (a) MARDI ditingkatkan **农业研究机构**  
\*MARDI = Malaysian Agricultural Research and Development Institute/ Institusi Penyelidikan dan Kemajuan Pertanian Malaysia
    - (b) Menggunakan Konsep pertanian pintar digunakan untuk meningkatkan hasil pertanian.
    - (c) Menggalakkan penyebaran industri terpilih dengan mendorong sektor swasta menempatkan semula kilang tambahan di negeri yang kurang maju dengan kemudahan fizikal, pendidikan, kesihatan dan perumahan.
- kawasan-kawasan ini akan menjadi pusat pertumbuhan baharu ekonomi yang dapat menyumbang kepada pembangunan wilayah.